



UNIVERSITÄTS-
BIBLIOTHEK
PADERBORN

**Murenulæ Sacræ Vestis Sponsæ Regis Æterni
Vermiculatæ Opus, De Privilegiis Ordinum Regularium**

Alviset, Virginius

Campidonæ, 1673

§. 4. De Clausula Plenit. Potestatis.

[urn:nbn:de:hbz:466:1-62361](https://nbn-resolving.org/urn:nbn:de:hbz:466:1-62361)

rem, ignorantiam deceptionem, & sic purgat vitium subreptionis, adeo ut nemo lit audiendus contra id, quod Princeps ait, se ex certa scientia fecisse. Bald. in *extrav. imperialis*. Quinto, Supplet defectum solemnitatum, non quidem essentialium, sed accidentalium. Rota decif. 234. in *novis. l. si quis. ff. de legat. 3.* Sexto facit reviviscere Privilegia antiquata, etiam per Bullam revocata, adeo ut non sit opus facere mentionem talis Bullae, aut illi derogare, quia haec clausula habet vim novae concessionis, & revalidandi invalida. Gloss. c. sicut grave, & c. veniens. de *transf. & c. quia diversitas. de conc. prab.* Rosell. v. *absolutio*. Portel. v. *privil. confr.* Sigif. à Bonon. in *tract. de elect. p. 2. p. 2. c. 4. dub. 76.* Junipar. in *d. ff. iur. pont. d. 2. q. 2. c. 3.* Mirand. in *man. to. quest. 45. art. primo*. Donat. *ret. regul. to. 1. tract. 1. 1. question. 3.* Bordon. in *cons. regul. to. 2. ref. 52* Marcellin. à Sancto Benedict. in *comp. privil. Ful. v. privilegia. in notab. & Chassaing. 7 p. 1. tract. 1. c. 2. prop. 4.* Fallit tamen secundum aliquos ipsorum, si privilegium foret revocatum per jus commune, vel per concilium generale. Quamvis alii velint etiam hoc casu clausulam operari.

§. I V.

De Clausula: ex Plenitudine Potestatis.

SUMMARIUM.

1. Plenitudo potestatis quibus tribuitur.
2. Eius effectus, & seqq.
6. De potestate Principis dubitare nefas.
7. Nemo potest ei dicere, cur ita facis.
8. In Principe semper praesumitur iusta causa.
9. Non potest contra Principem praescribi plenitudo potestatis.
10. Nec potest ille à se abdicare, aut exhaurire.

11. Privilegium concessum sub clausula plenitudo potestatis est superlativum.
12. Per hanc clausulam censetur Princeps dispensare.
13. Nihil potest opponi, ubi reperitur.
14. Tollit omnia contraria.
15. Purgat vitium subreptionis.
16. Nunquam praesumitur Princeps uti hac potestate.
17. Ea non potest uti indifferenter.
18. Peccat, & tenetur ad restitutionem, si ad arbitrium utitur.
19. Quomodo intelligendum, quid possit rem suam alicui tollere.

PLENITUDO potestatis adscribitur omni Principi non recognoscanti in suo statu superiore, & aliàs appellatur summum jus, seu absoluta, vel extraordinaria potestas, absoluta inquam, quia ab omni legum obligatione libera, & exempta, à nullo dependens, supra omnia iura, ad omne quod non sit intrinsecè malum se extendens, & omnia potens, etiam quadrata aquare rotundis, inquit Hofl. in *cap. novit & c. cum venissent. de iudic. & cap. quanto de transl. Panorm. cap. cum venissent. c. 1.* Gammar. *ca. licet de rev. permut. in 6.* Et Franc. *ead. in rubr. de resta.* Per hanc potestatem Princeps iura condit, interpretatur, & mutat, ut fusè tractant DD. *cap. que in Ecclesiis. de const. & fin. C. si cont. ius vel ut. pub.* Per hanc retractat, & mutat quod prius fecit. Felin. *cap. novit. c. 1.* & Bald. *l. 2. C. de servit. & aqua.* Per hanc aufert uni jus suum, & rem suam, & alteri donat. *l. item si verberatum. ff. de rei vend. l. quavis. ff. de nat. rest. Legitè l. fin. C. si cont. ius vel ut. pub. & l. quoniam. eod. de prec. imp. off. Gloss. clem. sepe. de verb. sign. §. nunc ostendendum.* Per hanc deum dispensat, & privilegia indulget. *capit. proposuit. de conc. prab.* Et adeo Religiosè offertur Principibus Supremis haec potestas, ut com-

6 communi voce omnia jura clament, esse
 7 instar sacrilegii, dubitare de Principis
 8 potestate l. 2 C. de crim. saci Nec quisquam
 9 possit ei dicere cur ita facias. Jason. l. re-
 10 scripta C. de prec. imp. off. Quia semper præ-
 11 sumitur iusta causa motus. Gloss. e non est
 12 de vot. & l. relegati ff. de pen. Cign. & Are-
 13 tin. l. cit. rescripta Panor. c. que in Ecclesiarum
 14 de const. & c. cum venissent de iudic. & à nemi-
 15 ne potest tolli à Principe, aut contra il-
 16 lam præscribi. Innocent. cap. bone 2 de post.
 17 præl. Panor. c. omnis de cons. Et legitur l. com-
 18 perit ff. de præser. 30. an. Sicut nec ipse po-
 19 test illam abdicare, aut exhaurire, quia
 20 non potest unquam tantum per illam
 21 concedere, quin adhuc plus sibi retineat.
 22 c. dudum de præb. in 6.
 23 Atque ex hoc quod hæc potestas est talis
 24 & tanta, rectè inferunt Bald. in cap. quoniam
 25 de off. del. Et Corral. in tract. de privil.
 26 Quod quando privilegium aliquod datur
 27 sub ista clausula, sine dubio designatur
 28 aliqua gratia superlativa, & singula-
 29 ris. Adeo ut virtute illius censeatur Prin-
 30 cept dispensare supra jus communis o-
 31 pus sit, ut notat Guid. Pap. in tract. de re-
 32 scrip. Et ubi reperitur inserta, nihil possit
 33 opponi, quominus rescriptum effectum
 34 sortiatur Marfil. l. unoquoque ff. de re iudic.
 35 Bald. l. 2 C. de servit. & aqua. Alciat. & Dec.
 36 et. & alii quos citat & sequitur Barbof.
 37 in tract. de claus. 4 1. Et aufert omnes defe-
 38 ctus, secundum Alexand. lib. 2. cons. 195. Et
 39 tollit ac remover omnia contraria ab-
 40 que alia derogatione, & sine clausula: non
 41 15 hancibus secundum Bald. cons. 253, lib. 10.
 42 de demum vitium subreptionis purgat,
 43 secundum Rodolphin. c. 5 de absol. princ. pot.
 44 Verum, quia hæc clausula operatur
 45 tam extraordinarios effectus, ideo nun-
 46 quam præsumitur. Neque Principe vo-
 47 luisse uti absoluta potestate, nisi in eo
 48 actu, quide ordinaria sustineri non po-

test, & qui sit factus ex certa scientia, ut
 docent Felin. c. 1. de const. Innocent. c. immo-
 17 tuit de elect. Et Conrad. Lancell. in temp. c.
 1. lib. 1. §. 3. Et maxime in præjudicium ter-
 18 tii, ut notat Rodolphin. supra cit. c. 6. Imò
 19 optimè monent Innocent. cap. cit. innotuit.
 20 & post ipsum Panor. in cap. ad hæc de refer.
 21 non posse Principem uti plenitudine po-
 22 testatis sine causa. Et hunc usum ipsi esse
 23 licitum, solummodò, cum per potesta-
 24 tem ordinariam non posset sufficienter
 25 suis subditis providere, sin minus illum
 26 peccare, & iniq̄e agere tenerique ad re-
 27 stitutionem illis, quos sic agendo laedit.
 28 Quod verò communiter allegatur, & nos
 29 superius notavimus, posse Principem de
 30 absoluta potestate alicui rem suam tolle-
 31 re, debet semper intelligi, non tantum
 32 cum causa, ut dicunt Innoc. c. que in Eccle-
 33 siarum de const. Panor. eod. Et c. cum venissent
 34 de iudic. c. sua nobis de cons. & c. cum dilectus de
 35 jur. pat. Sed etiam sic quod teneatur
 36 personæ laica providere de re aequali, &
 37 ei compensare omne damnum, quod ex
 38 sua rei ablatione patitur, ut volunt Gloss.
 39 l. si locus ff. quem ad servit. amitt. & cap. unie. de
 40 de allod. in usib. feud. ubi Bald. Isner. & Af-
 41 flict. c. 1. de pace ten. Rolland. cons. 69. vol. 2.
 42 Et alii in l. 2. C. quib. ex. caus. fer. pro prem. lib.
 43 accip. Contra Alber. & Castr. l. si locus citat.
 44 Surd. cons. 313 & Capol. in tractat. de servit.
 45 urb. præd. Quorum opinio posset forrè ad-
 46 mitti in casu l. cit. si locus. Sed non tamen
 47 ad alias materias trahi. Ad quod ita loqui-
 48 tur Rebuff. in præben. p. 1. tit. de non toll. iur.
 49 quas. Gloss. §. num. 35. Ista potestas absolutã, est
 50 potestas, que diabolica potius dici debet, procedit
 51 enim à potestate iniuriosa, & est contra legem
 52 divinam, de qua superius dixi de Naboth. Et item
 53 contra legem naturalem, civilem, & canonicam
 54 ideo qui illa utuntur effrenata dominatione, nec
 55 non consultores eorum, qui hæc suggerunt, &
 56 actus eorum diabolici sunt. Quos nisi respiciunt,
 57 possidebis

REGIA
 ARVNI
 ET
 MONTARIAN
 N. RUGTAS
 ANCELLARUM
 POS. TO. DE
 ER...

possidebit infernus, ubi erit fletus, & stridor dentium. Intelligite hæc, qui consulitis principibus placentia, & vobis in futurum plurimum horrenda preparatis. Hactenus Rebuff.

§. V.

De Clausula: *Supplentes omnem defectum.*

SUMMARIUM.

- 1 Clausula *Supplentes*, quando adhibetur rescriptis.
- 2 Solet adungi claus. plenit. potestatis.
- 3 Validat, quod ante erat invalidum.
- 4 Inducit dispensationem.
- 5 In multis non operatur, & seqq.
- 6 Quando habet locum, non operatur nisi in expressis.
- 7 Et ad effectum ut rescriptum recipiatur.

HÆc clausula solet adhiberi magis communiter, quando jura, vel privilegia innovantur, adhibeturque per viam plenitudinis potestatis, unde & moris est, ut ambæ hæ clausulæ conjungantur in rescriptis, seu privilegiis. Et tunc operantur validando privilegium, ut is cui conceditur, possit illo uti, non obstante, quod aliàs non posset propter aliquem defectum, qui intervenit in prima illius concessione. Et hoc qualiscunque fit ille defectus, modò juris positivi, quia omnes tales tolluntur virtute hujus clausulæ. *Clem. sepè de verb. signific. v. cæterum defectus.* Imò etiam si illi versentur circa substantialia actus, ut vult Alex. *conf. 79. vol. 1.* Unde Panor. *in cap. si quis de conf.* ait quòd hæc clausula facit validum, quod ante erat invalidum. Et ratio est, quia illâ positâ, censetur dispensatum, ut monet Specul. *lib. 1. tit. de leg. §. 6.*

Secus autem dicendum de defectibus juris divini, aut naturalis, quia quoad illos clausula nihil operatur. *Clem. cit. sepè & Clem. pastoralis de re ind.* Et Tusch. *to. 1. concl. 343.* Neque similiter quoad defectus surgentes ex causa naturali. Lancell. *in temp. lib. 1. cap. 1.* Neque quoad defectus substantiales. Vivian. *in pract. iur. lib. 13. c. 8.* (Intellige si procedant contra jus naturale aut divinum, aliàs locus erit opinioni Alexandri supra relata.) Neque quoad defectû causâ Barbof. *de claus. 177.* Neque demum quoad defectus qui concernunt personam supplicantis. Monet. *c. 7. de com. vult. vol.*

Quin etiam ubi hæc clausula verè supplet, non operatur, nisi in expressis, & specificatis defectibus, ut notat Lancell. *supra cit.* Unde v. g. si quis excommunicatus, bigamus illegitimus aut similem aliquem defectum patiens, illum tacuit in supplicatione, non suppletur per hanc clausulam, nisi rescriptum conceptum sit subtili forma, ut evidenter appareat Principem illum scivisse, & voluisse in illo dispensare. Specul. *supra cit.* Et Camban. *in tractat. claus.* Quibus addo, quòd quantum ad eosdem defectus, quos hæc clausula tollit, illos non tollit quoad omnia, sed tantum per ordinem ad privilegium, cui insertum est, & ad hoc ut is cui concessum est, illo utatur, quantum verò ad alia, & alios actus, nullo modo censetur habilitatus, aut in suis defectibus dispensatus, & ita evidenter potest colligi

ex ipso tenore Rescriptorum Pontificiorum.

